

Kommentar til budsjett 2019

Hei

Me i Vaksdal Idrettsråd har eit par kommentarar til budsjettet som er ute til offentlig ettersyn i desse dagar.

I vedlegg 3, om betalingssatsar 2019, finn me ulike priser for utleige av gymsalar, klasserom og samfunnssal samt Turbinen Fleirbrukshall. Slik Vaksdal Idrettsråd les dette, er det eit klart misforhold mellom leige i samfunnssalane/gymsalane og leige av Turbinen. Samfunnssalane er om lag 1/3 av størrelsen av Turbinen, men utleigeprisane for desse er vesentleg høgare enn leige for 1/3 av Turbinen. Turbinen framstår i dag som mykje billigare å leige enn samfunnssalane rundt om i kommunen, og dette meiner me Vaksdal kommune bør endre. Me meiner at satsar for leige av gymsalar/samfunnssalar bør vere like, eller lågare enn leige av 1/3 av Turbinen.

Dette vedlegget bør også gjerast enklare forståeleg. Turbinen si prisliste framstår enkel og ryddig, og det er lett å sjå at prisane gjeldt leige pr. time. Dette kan gjerast meir tydeleg i tabellane om gymsalane osv.

Under nemnt tabell står det også nokre setningar som kan forbeistrast. Her står bl.a. at «samfunnssalane og Dalehallen vert rekna som gymsal, måndag – fredag for faste leigetakarar – leigetakarar med ein aktivitet på minst 1 tilskiping/møte pr. 14.dag.» Samtidig står det at «lag og organisasjonar som driv aktivt med aktivitetar for born og unge betaler redusert leige», utan at det står kva redusert leige inneber.

Håpar at våre innspel blir tatt med når budsjettet skal vedtas i kommunestyret.

Mvh

Vaksdal Idrettsråd

v/leiar Sondre Larsen Bjordal